



Scuierer da cuminonza
la burnida sut la tschendra

Neu e sediscuora!

Da tgei setracta ei?

Nus vulein dar suatientscha agl appel dalla brochura „Scuierer da cuminonza la burnida sut la tschendra“. Ella ei scretà digl anteriur avat dalla claustra da Nossadunnaun *Martin Werlen* e vul animar da sefatschentar criticamein cugl esser Baseligia el temps dad oz. Il text ei vegnius translataus en romontsch da sora *Florentina Camartin*. Sco quei ch’igl autur scriva gia sin l’emprema pagina vul la brochura esser in document da lavur. Ella vul animar per discussiunar. Ella vul encuraschar nus da s’engaschar per la Baseligia e dad encurir la burnida, malgrad tutta tentaziun e desperaziun. Ella vul esser il vent che suffla naven la tschendra ed inflamescha la burnida, sinaquei ch’il fiug possi puspei arder.

Per quei che crer vul dir:

- haver il cor che arda
- sentir il fiug che scaulda
- retscheiver forza entras quei che arda e brischa...

Premissas

Ti stos purtar neginas premissas. Ei tonscha, sche ti eis da bunaveglia, aviarta/aviarts ed interessada/interessaus dad encurir e reflectar certas damondas e provocaziuns davart nosa cardientscha e Baseligia.

Tras las seras meinan

Sur Marcel Köhle, plevon
Andrea Cathomas, catecheta
Flurina Cavegn, gidontra pastorala

Temps: 19.30

Liug: alla meisa rodonda dil Hotel
Kistenpass a Breil

Decuors dalla sera

Mintga sera legin nus da cuminonza ina part dalla brochura. Silsunter vulein nus entrar el discuors davart il legiu.

Nies discuors ha buca liug agl ur, mobein a miez la veta: alla meisa rodonda tier in sitg. Quella fuorma muossa, che mintgine mintgina ei dumandaus da tedlar e raquintar...

Venderdis, ils 15 da settember

Parts I – V

Tras la sera meinan: Andrea a Flurina

Venderdis, ils 20 d'october

Parts VI – X

Tras la sera meinan: sur Marcel e Flurina

Venderdis, ils 17 da november

Parts XI – XV

Tras la sera meinan: sur Marcel ed Andrea

Enqual citat per far gust

“Questas lingias ein formuladas a posta a moda provoconta per veramein puder muentar. Ellas vegnan bein era a leventar empau puorla. Puorla san ins denton mo leventar leu, nua ch’ei dat puorla.”

“Igl ei ina gronda sfida per mintgin – ch’el seigi da tenuta conservativa ni progressiva – da buca star eri en in siemi dad ina situaziun ideala (quei che pertucca la Baselgia). Ina situaziun ideala ha ei mai dau.”

“Esser bein cudischai cun la tradiziun gida dad ir vias novas senza riscar da vegnir suspectai da modernissem. Tradizionalissem fa vegnir il carstgaun stretgs e sterics. Cardientscha regala vastadad.”

“Encuretgs ein buca carstgauns che possedan Diu, mobein carstgauns che enqueran Diu.”

“Dieus di *gie* al carstgaun. Quei *gie* sto la Baselgia adina puspei sespruar da confirmar da tut cor. Il carstgaun ei um e dunna. Cul *gie* alla dunna ha la Baselgia aunc adina breigias.”

Annunzias entochen ils 12 da settember

per telefon: 081 941 17 18

ni

per mail: info@pleiv-breil.ch

Igl ei era pusseivel, da visitar mo singulas seras da discuors.

→ per plascher indiar tgei seras ch’ins ei dalla partida

Nus selegrein sin tei.
Suonda igl invit e neu!

